



Jarida la

SIHA NA MAENDELEO


UTAWALA BORA

www.sihadc.go.tz

Mwezi Aprili 2024

Toleo la Kumi na Sita

Halmashauri ya Siha



Haliuzwi

CHAMA CHA MAPINDUZI WILAYA YA SIHA CHATOA PONGEZI USIMAMIZI MZURI WA MIRADI YA MAENDELEO



Mwenyekiti wa Chama cha Mapinduzi Wilaya ya Siha Mhe. Wilfred Mosi akiongoza Kamati ya Siasa Wilaya ya Siha kukagua mradi wa ujenzi wa Shule ya Wasichana Mkoa wa Kilimanjaro Juni 13, 2024 unaotekelezwa kwa fedha kutoka Serikali Kuu Shilingi Bilioni 3.



Muonekano wa Mabweni na Nyumba za watumishi katika shule ya Sekondari ya Wasichana Kilimanjaro ikiwa ni sehemu ya majengo yaliyotekelezwa kwa fedha kutoka Serikali Kuu shilingi Bilioni 3.



Muonekano wa nje wa nyumba ya Mkurugenzi Mtendaji Halmashauri ya Wilaya ya Siha baada ya kukamilika iliyotekelezwa kwa fedha kutoka Serikali Kuu shilingi Milioni 150 kwa lengo la kuwawezesha viongozii kuishi karibu na maeneo ya kazi.



Mwenyekiti wa Chama cha Mapinduzi Wilaya ya Siha Mhe. Wilfred Mosi(pili kulia) akiongoza Kamati ya Siasa kufanya ukaguzi wa mradi wa ujenzi wa nyumba ya Mkurugenzi Juni 13, 2024.

MAPOKEZI YA FEDHA SHILINGI BILIONI 1.193 ZA MIRADI MBALIMBALI YA MAENDELEO



Mkurugenzi Mtendaji wa Halmashauri ya Wilaya ya Siha Dkt Haji M. Mnasi.

Mkurugenzi Mtendaji anawajulisha Wananchi, Wakazi wa Wilaya ya Siha na Watanzania kwa ujumla kuwa kipindi cha **Robo ya Tatu na Nne** ya mwaka wa fedha 2023/2024 Halmashauri imepokea fedha za miradi ya maendeleo **Jumla ya Shilingi**

1,193,866,628.87 (Bilioni Moja, Milioni Mia Moja Tisini na Tatu, Laki Nane na Elfu sitini na Sita Mia Sita Ishirini na nane na senti themanini na Saba) kutoka Serikali Kuu na Wadau mbalimbali wa Maendeleo kwa ajili ya utekelezaji wa Miradi ya Maendeleo.

Mchanganuo wa Miradi ya Maendeleo inayotekelezwa pamoja na kiasi cha fedha kitakachotumika imeambatishwa kwenye jedwali hapo chini.

Na	Miradi husika	Idadi ya Miundombinu	Jumla ya Fedha
1	Vyumba vya Madarasa na Matundu ya vyoo shule za Sekondari (SERIKALI KUU)	Ujenzi wa Vyumba 13 vya Madarasa Matundu 48 ya vyoo katika Shule 7 za Sekondari	348,900,000.00
2	Ujenzi wa Nyumba moja ya Mwalimu 2:1 (FEDHA ZA SEQUIP)	Ujenzi wa Nyumba moja ya mwalimu 2:1 katika shule ya Sekondari Siha One	95,000,000.00
3	Mradi endelevu wa maji vijijini na usafi wa mazingira (FEDHA ZA SRWSSP)	Ujenzi wa miundombinu mbalimbali ya Maji na Usafi wa mazingira	348,166,628.87
4	Ujenzi wa Vyumba vya madarasa, mabweni na matundu ya vyoo (Fedha za Barick Tanzania)	Ujenzi wa Madarasa 5 Mabweni 2 na Matundu 8 ya vyoo katika shule ya Sekondari Sanya Juu	401,800,000.00
JUMLA KUU			1,193,866,628.87

DKT TIMBUKA AWATAKA VIONGOZI WA VIJJI KUTUMIA MADARAKA VIZURI



Mkuu wa Wilaya ya Siha Mhe Dkt Christopher Timbuka akizungumza wakati wa kikao kazi na Halmashauri za Vijiji Sita (6) vya Tarafa ya Siha Kusini kilichofanyika Juni 06, 2024 katika Shule ya Awali na Msingi Munge.

Mkuu wa Wilaya ya Siha **Mhe Dkt Christopher Timbuka** amewataka wenyeviti wa vijiji kutumia madaraka yao vizuri na kuzingatia sheria, kanuni na taratibu za Serikali.

Akizungumza wakati wa kikao kazi na Halmashauri za Vijiji Sita (6) vya Tarafa ya Siha Kusini kilichofanyika Juni 06, 2024 katika Shule ya Awali na Msingi Munge, **Dkt Christopher Timbuka** amawataka wenyeviti wa vijiji kuepuka kuwa chanzo cha

migogoro baina ya Serikali na wananchi kwa kutumia vyeo na madaraka yao vizuri.

Amewasisitiza Viongozi kutimiza wajibu wao kwa kufanya mikutano ya uhamasishaji na mikutano mingine ya kisheria ikiwemo ya usomaji wa mapato na matumizi ngazi ya vijiji kwa wananchi ili kuwajengea uelewa na ufahamu wa shughuli zinazofanywa na Serikali kwenye maeneo yao kila hatua.

“Tumepewa uongozi ni dhamana, na tunatakiwa kutumikia watu, na uongozi sio mtu mmoja ndio maana inaitwa Halmashauri ya Kijiji, kwa pamoja ndiyo inampa mamlaka mwenyekiti wa kijiji, peke yako wewe sio kitu, sasa naomba tushirikishane na tuwashirikishe wananchi kwenye masuala ya uendeshaji wa Vijiji” amesema Mkuu wa Wilaya Mhe Dkt Christopher Timbuka.



Mkuu wa Wilaya ya Siha Mhe Dkt Christopher Timbuka (tano kulia mbele) akiwa kwenye picha ya pamoja na wajumbe wa Halmashauri za Vijiji Sita (6) vya Tarafa ya Siha Kusini baada ya kikao kazi kilichofanyika Juni 06, 2024 katika Shule ya Awali na Msingi Munge.



Baadhi ya wajumbe wa Halmashauri za Vijiji Sita (6) vya Tarafa ya Siha Kusini wakizungumza wakati wa kikao kazi na Mkuu wa Wilaya ya Siha **Mhe Dkt Christopher Timbuka** kilichofanyika Juni 06, 2024 katika Shule ya Awali na Msingi Munge.

BILIONI 17.94 YATEKELEZA SHUGHULI ZA KUWALETEA MAENDELEO WANANCHI SIHA



Mkuu wa Wilaya ya Siha Mhe. Dkt Christopher Timbuka akiwasilisha taarifa ya utekezaji wa ilani ya CCM ya Mwaka 2020-2025 kwenye kikao cha Halmashauri Kuu ya CCM Wilaya ya Siha kilichofanyika katika ukumbi wa kituo cha walimu (Cluster) Sanya Juu Juni 14, 2024.

Mkuu wa Wilaya ya Siha **Mhe Dkt Christopher Timbuka** amesema Serikali katika kipindi cha Julai 2023 hadi Aprili 2024 imetekeleza miradi yenye thamani ya shilingi **Bilioni 17.94** katika Sekta za Elimu, Afya, Utawala, Viwanda na Biashara, Kilimo, Mifugo na Umwagiliaji, Uwezeshaji wa wananchi kiuchumi, Maji na Barabara.

Akiwasilisha taarifa ya utekezaji wa ilani ya CCM ya Mwaka 2020-2025 kwenye kikao

cha Halmashauri Kuu ya CCM Wilaya ya Siha kilichofanyika katika ukumbi wa kituo cha walimu (Cluster) Sanya Juu Juni 14, 2024, **Mhe. Dkt Timbuka** amesema fedha hizo zimetokana na fedha za **Mapato ya ndani, Ruzuku kutoka Serikali Kuu, Michango ya Wananchi na Washirika wa Maendeleo.**

Amesema Serikali na wadau wa maendeleo wametoa shilingi Bilioni 8.46 kwa ajili ya sekta ya

elimu ya awali na Msingi na Sekondari na Wananchi wamechangia shilingi milioni 50.43 kwa ajili ya uboreshaji wa miundombinu na mazingira ya utoaji wa elimu.

Katika sekta ya Afya, Dkt Timbuka amesema Wilaya imepokea Shilingi Milioni 661.72 kwa ajili ya kuboresha mazingira ya utoaji wa huduma za afya kwa wananchi na wakazi wa Wilaya ya Siha.



Mkuu wa Wilaya ya Siha Mhe. Dkt Christopher Timbuka akiwasilisha taarifa ya utekezaji wa ilani ya CCM ya Mwaka 2020-2025 kwenye kikao cha Halmashauri Kuu ya CCM Wilaya ya Siha kilichofanyika katika ukumbi wa kituo cha walimu (Cluster) Sanya Juu Juni 14, 2024.



Viongozi mbalimbali wa Serikali na Chama wakiwa katika Kikao cha Halmashauri Kuu kilichofanyika katika ukumbi wa kituo cha walimu (Cluster) Sanya Juu Juni 14, 2024.



Kamati ya Siasa Wilaya ya Siha Juni 13, 2024 ikifanya ukaguzi katika mradi wa ujenzi wa vyumba vinne vya madarasa na matundu nane ya vyoo katika shule ya sekondari Sanya Juu Kata ya Nasai mradi uliotekelezwa kwa fedha kutoka Serikali Kuu shilingi Milioni 114.7.



Mkuu wa Wilaya ya Siha Mhe.Dkt Christopher Timbuka Juni 13, 2024 akiiongoza kamati ya siasa Wilaya kufanya ukaguzi wa ujenzi wa Tenki la Maji la Lita 500,000 katika Kijiji cha Kandashi, Kata ya Karansi mradi huu unaotekelezwa kwa fedha kutoka Serikali Kuu Shilingi Milioni 979.9 ikiwa ni sehemu ya mradi wa upanuzi wa skimu ya maji ya Gararagua kwenda katika vijiji nane vya Mawasiliano, Lekrumuni, Karansi, Kandashi, Makiwaru, Mkombozi, Olkolili na Ormelili.

WAKULIMA KATA YA MITIMIREFU WAHIMIZWA KULIMA KWA TIJA



*Afisa Tarafa wa Siha mashariki Khadija Kichwa akizungumza kwa niaba ya Mkuu wa Wilaya ya Siha katika maadhimisho ya Siku ya Mkulima Shambani yaliyofanyika katika Kijiji cha **Kalimaji Juni 19, 2024.***

Wakulima katika kijiji cha kalimaji Kata ya Mitimirefu wamehimizwa kutumia elimu ya kilimo na mbegu bora zinazotolewa na Taasisi ya Utafiti wa Kilimo Tanzania – TARI ili kuboresha uzalishaji na kuwa na kilimo chenye tija.

Wito huo umetolewa na Afisa Tarafa wa Siha Mashariki Khadija Kichwa kwa niaba ya Mkuu wa Wilaya ya Siha katika maadhimisho ya siku ya mkulima shambani

yaliyofanyika katika kijiji cha kalimaji Juni 19, 2024.

Amesema mbegu hizo zilizofanyiwa utafiti na Taasisi ya Utafiti wa Kilimo Tanzania – TARI zina uwezo wa kukabiliana na mabadiliko ya tabia ya nchi na zinatoa mazao mengi.

Amesema mbegu hizo zina madini mengi ya chuma na zinki, ambapo zikizalishwa kwa wingi katika kata ya mitimirefu zitasaidia kuongeza uboreshaji wa

lishe za watoto shuleni na wananchi kwa ujumla.

“Mkuu wa Wilaya Mhe Dkt Christopher Timbuka ameniagiza niwaambie angependa kuona tunalima kwa wingi kwa kutumia mbegu hizi zenye viambata lishe ili watoto na wananchi wote tupate chakula bora na kipato kitakachoweza kukuza kiuchumi” amesema Khadija Kichwa.



Afisa Tarafa wa Siha Mashariki Khadija Kichwa Juni 19, 2024 kwa niaba ya Mkuu wa Wilaya ya Siha Mhe Dkt Christopher Timbuka akikagua shamba darasa la Maharagwe na Choroko yaliyoanzishwa na Taasisi ya Utafiti wa Kilimo Tanzania – TARI katika kijiji cha Kalimaji.



Diwani wa Kata ya Miti Mirefu Paulo Shija, Mwenyekiti wa Kijiji cha Kalimaji, Mwakilishi wa Mkurugenzi wa Taasisi ya Utafiti wa Kilimo Tanzania – TARI Richard Temba na wananchi wakizungumza katika maadhimisho ya Siku ya Mkulima Shambani yaliyofanyika katika Kijiji cha Kalimaji Juni 19, 2024.

MILIONI 834.9 ZATUMIKA KUBOresha MAZINGIRA YA WATOTO KUPATA ELIMU WILAYA YA SIHA



Mkuu wa Wilaya ya Siha Mhe Dkt Christopher Timbuka Juni 15, 2024 akitoa hotuba wakati wa maadhimisho ya siku ya mtoto wa Afrika Wilaya ya Siha yaliyofanyika katika shule ya awali na msingi Ormelili.

Mkuu wa Wilaya ya Siha Mhe Dkt Christopher Timbuka amesema katika mwaka wa fedha 2023 – 2024 Wilaya ya Siha imepokea shilingi Milioni 834.9 kwa ajili ya kutekeleza miundombinu ya miradi ya elimu katika shule za Msingi.

Mhe Dkt Timbuka amesema hayo Juni 15, 2024 wakati wa maadhimisho ya siku ya motto wa Afrika Wilaya ya Siha yaliyofanyika katika

shule ya awali na msingi Ormelili.

Amesema uboreshaji wa miundombinu katika shule ya msingi umewezesha uandikishaji watoto darasa la awali kufikia 3727, darasa la kwanza kufikia watoto 3466 na watoto wenye mahitaji maalum 32.

Amewasisitiza wazazi na walezi kuwapeleka shule watoto wenye mahitaji maalumu kwani wana haki za msingi sawa na watoto

wengine ya kupata elimu na makuzi sahihi.

“Inawezekana katika maeneo yetu kupata elimu na makuzi sahihi endapo watoto wenye ulemavu wakipewa kipaumbele katika kupewa elimu na kupatiwa vitendea kazi na kushirikishwa katika Nyanja zote za maendeleo” amesema Mhe. Dkt. Timbuka.

KLABU NA MABARAZA YA WATOTO SHULENI YANAJENGA UWEZO WA KUFIKIRI, KUJAMINI NA KUJIELEZA – DKT MNASI



Mkurugenzi Mtendaji Halmashauri ya wilaya ya Siha Dkt Haji Mnasi akitoa maelezo kuhusu maadhimisho ya Siku ya Mtoto wa Afrika yaliyofanyika Juni 15, 2024 katika shule ya msingi Ormelili.

Mkurugenzi Mtendaji Halmashauri ya wilaya ya Siha Dkt Haji Mnasi amewahimiza wazazi na walezi kuwaruhusu watoto kushiriki katika klabu na mabaraza ya watoto mashuleni.

Akitoa maelezo kuhusu maadhimisho ya siku ya mtoto wa afrika yaliyofanyika Juni 15, 2024 katika shule ya msingi Ormelili, Dkt Mnasi amesema mtoto akishiriki

katika mabaraza hayo yanamjengea uwezo wa kufikiri, kujiamini na kujieleza.

Amewaomba wazazi na walezi kuwasimamia watoto wanapotumia vifaa vya kielektroniki kama vile simu, intaneti, kompyuta na runinga ili kumuepusha mtoto kujiingiza katika maeneo hatari ya kufanyiwa ukatili wa mtandaoni.

Amesema matumizi ya vifaa vya kielektroniki yaliyopita kiasi yanaweza kusababisha uraibu kwa mtoto hali itakayochangia mtoto kukosa muda wa kujisomea, kujifunza na kusaidia kazi ndogondogo za nyumbani.


Pia ameiomba jamii ya Wilaya ya Siha kutoa taarifa ya vitendo vya ukatili kwa mtoto katika dawati la jinsia katika vituo vya polisi ili kupatiwa msaada.



Makamu Mwenyekiti wa halmashauri ya wilaya ya siha Noel Mollel na Diwani wa Viti Maalum Taarafa ya Siha Kusini Lilian Mollel wakizungumza wakati wa maadhimisho ya Siku ya Mtoto wa Afrika yaliyofanyika Juni 15, 2024 katika shule ya msingi Ormelili.



Wananchi wa Kata ya Ormelili na wanafunzi wa Shule za Msingi wakiwa kwenye maadhimisho ya Siku ya Mtoto wa Afrika yaliyofanyika Juni 15, 2024 katika shule ya msingi Ormelili.



**JARIDA MTANDAO LA HALMASHAURI YA WILAYA
YA SIHA LIMEANDALIWA NA KITENGO CHA
MAWASILIANO SERIKALINI**

**Mkurungenzi Mtendaji wa Halmashauri ya Wilaya ya Siha
5-BR Elerai- Sanya Juu S.L.P 129,25482 siha
Simu Na +027-2970677, Nukushi +027-2970677
Barua Pepe: ded@sihadc.go.tz, Tovuti: www.sihadc.go.tz**

Tunapatikana

